

Press konferencija povodom otvaranja Microsoft Skills centra na Ekonomskom fakultetu u Sarajevu

Kompanija Microsoft i udruženje MSCommunity BiH najavili su otvaranje Microsoft Skills centra, a riječ je o projektu koji omogućava besplatno stjecanje novih i poboljšanje postojećih znanja iz IT oblasti, kao i polaganje ispita za oficijelne Microsoft certifikate.

Direktor Microsofta BiH Omar Krivošija je danas, 03.07.2015. godine na konferenciji za novinare na Ekonomskom fakultetu u Sarajevu podsjetio da je ova kompanija organizirala prošle godine okrugli sto u sklopu MS Network konferencije, na kojem su predstavnici fakulteta, IT kompanija u BiH i institucija i organizacija iz oblasti rada i zapošljavanja razgovarali o potrebama IT tržišta rada i uslovima obrazovanja.

Na osnovu zaključaka sa okruglog stola odlučeno je da se pokrene projekt otvaranja Microsoft Skills centara na četiri fakulteta i u tri grada u BiH (Ekonomski fakultet u Sarajevu, Panevropski univerzitet Apeiron u Banjoj Luci, Fakultet informacijskih tehnologija u Mostaru i Elektrotehnički fakultet u Sarajevu).

Plan Microsoft Skills centra je educirati minimalno 240 osoba, studenata sa partnerskih institucija i nezaposlenih mladih ljudi koji imaju potrebno osnovno IT znanje. Treninzi koji će biti u ponudi su odabrani na osnovu analize potreba poslodavaca koja je identifikovala pozicije koje su natraženije u IT industriji u BiH, a koje su vezane za programiranje, upravljanje projektima u IT segmentu, kao i pozicije vezane za rad sa serverima i bazama podataka.

Predsjednik Udruženja MSCommunity BiH Damir Dizdarević izrazio je uvjerenje da će se putem ovog projekta pomoći mnogim mladim ljudima u BiH da unaprijede svoja znanja iz oblasti IT-a, a time i da lakše i brže dođu do posla na IT tržištu u BiH.

"IT je grana industrije u kojoj gotovo svaka zemlja ima deficit kadrova posebno zbog nedostatka specijalisti koje edukacije iz ove oblasti, a to je upravo problem kojim rješavanju se želi doprinijeti putem Microsoft Skills centra", kazao je Dizdarević.



S poštovanjem,

Odjel za odnose s javnošću
Tel: +387 33 25 37 86
E-mail: pr@efsa.unsa.ba
www.efsa.unsa.ba